

西
江
詩
話

西江詩話

卷九

香坡裴君弘任遠輯

萬時華

茂先徵君詩情緒綢繆詞旨悽惋令後世人讀之
有涼風碧草之思豈卽所謂天下有心人耶抑其
時與遇實爲之耶丙子述懷十六絕乃秋賦報罷
之作中間悼往懷來幾不忍讀余嘗謂制科取士
亦學人進身之一端上之所以期士與士之所以
不朽者其輕重詎必盡關乎此獨恠榆溪漑園並

負不世之才而斤斤焉祇以不得一第爲憾何所
見之不達也然其詩低回歷亂聲淚俱化傷于哀
矣余錄其過半亦欲使百載而下論世者知文人
熱腸與忠臣碧血同其不磨而棘園有失士之歎
則世運有不返之憂膺操觚之寄者其亦慎重藻
鑑無令含冤負屈之士自鳴其哀于紙牕竹屋間
是亦宇宙太和之一徵固不僅爲徵君一人長留
意氣於天地間已也後之覽者宜將有味乎余言
其詩曰月落秋園照苦顏九回上策又空還堪憐

同輩俱頭白半溷朝簪半掩關一村墟漏斷月初
沉孤枕平生未了心往事千端難復省西風今夜
已難禁一兒病姬亡梅雨天嬌花已墮早春前柔
腸寸盡人間世半歲晴陰走墓田一

春王二月
女阿渭殤

四月喪余姬時耕兒病
疹至七月既望兒復殤湯餅筵頭菊映卮兒殤又

是早秋時今年菊映今年淚東罷殘書欲付誰一

拱日扶雲望帝都緇袍青鬢笑吾徒不知仙枕誰

家竅半世華胥一夢無一家國身名此夜心憂時

卻憶王恩深書生灑血今何地只恐年來白髮侵

一 慰兒好語望兒心尚憶當時歎息深地下若能

知地上此時懷抱更難禁

一 乙卯下第先夫人語不孝兒尚少富

貴當自有恨余六十老矣明年先夫人歿甲子下第先君語如先夫人余心動丙寅果先君歿兩尊人語識二十年來念鐘鼎怡親只世榮又虛鐘鼎之腹痛不堪回首也

誤時名三光照眼俱兒罪竊得松原恨未平

羊城外吊師墳墓草無因拜子孫甘載門生看又

老西風何處報人恩

一 少辱知東莞樊珠城先生今歿四十年復世絕

傷之詩卷俄然數尺餘敲推字字憶躊躇應知司馬

歸來後太息當年賦子虛

一冬烘遺恨枉縱橫天

經寧須世上名笑殺坑儒癡獨絕不將文字作長
平一芙蓉萬樹照晨梳短髮蕭蕭媿不如老圃東
家堪作伴苧衫蓬髻帶花鋤一負薪行野不披裘
失計當年在寢丘莫羨他家貴公子南隣絲管北
筵篋一

徵君深于情者也其余姬亡後諸絕酸語腐心視
東坡之悼朝雲者微異矣然其詩實佳意愁苦者
易爲工耶丙子五日悼姬云今古誰傳續命絲魂
如輕絮剪春枝去年尚憶晴窓曉艾影搖身獨畫

一 五月南風薙露侵虛貪結子望成陰階前悔

種宜男草忽見花開淚不禁一 姬以產殂鏡中遺照

墓中身欲薦菖蒲淚滿巾歲歲端陽今日酒華家

塘下濕香塵一 墓華家塘始信傷心不解愁高墳笑

起草脩脩可憐前夕鴛鴦伴零亂城南土一丘一

馬鬣新封古道邊今生已矣宿生緣重來莫更依

貧士悞落釵荆十八年一又有遣阿渭乳媪二首

尤稱慘絕論者謂較坡公任氏誌又一可傳阿渭

徵君殤女也詩云勞爾霜縑送爾畿酸風作雨淚

同吹城南一塊荒涼土地下寧無索乳時一浪逐
東風一度花曉光記上碧窓紗匡床小腕銀鈴動
把乳聲聲喚阿爺

徵君有歲暮田居十九首蘇武子陳士業稱其甚
似淵明士業謂江西詩實祖淵明以無甚似淵明
者遂移俎豆于山谷山谷易似淵明不易似也今
得茂先當以淵明爲祖茂先爲禰從而長子孫焉
西江自此益張矣又曰謝無逸潘邠老諸人似山
谷者猶傳况其似淵明者哉舒碣石曰敬稱其情兼

雅怨體被文質又曰古詩在今日七言未亡五言
亡耳能存五古者落落乾坤僅一茂先詩本二十
首碣石刪其一以見嗣響十九首賴此十九首云
江西詩實祖淵明一語可作是編總序此西江詩
話首陶之旨也但云山谷易似卻未必然予謂川
谷詩正恐亦
不易似耳

啓禎聞吾鄉詩人慨園第一榆溪次之惜其化鶴
揚州又蹈伯道之疾遺草零落陳伯璣所選慨園
集凡二百五十餘首然余小時所見別本如泥喧
蟻半爭桃塢綠暗鶯知坐柳衙叱叱遶塍歸舍犢

丁丁出水避人蛙溪翻睡鴨風千點門掩啼鳩雨
萬家之類皆不入選又令人有遺珠之歎耳

錢牧齋云茂先詩余亂後失去今得之如見故人
譚友夏原序畧云茂先詩如鐘鼓聲中報晴如大
江海中扁舟汎汎又如冠進賢不俗之人又如數
十百人持斧開山聲振州郡而其實則幽人山行
也

徵君五言尤工深厚其氣澹逸其姿多酷似唐人
處嘗有句云大業千秋社偏師五字城或亦自爲

寫照

被徵後入里門作云閒園秋冷只揮鋤似有春風
引鶴書紫氣百年天子詔紅雲四壁野人居入朝
倘問公安在未老應知壯不如最媿南隣諸父老
相呼扶杖聘君廬幾曾公府問長林烟雨湖頭忽
見尋三世國恩廉吏子萬方民隱聖人心虞門闢
後驚新寵梁父愁多尚舊吟知己平生憐一飯可
能肉食副朝簪二詩忠孝藹然令人挹之不盡
崇禎末詔廷臣舉堪守令者各一人朱方伯之臣

列茂先品行聞于朝應徵北上抵邗江病劇粵東

黎美周

遂球

廣陵鄭超宗

元勛

挈舟徑造茂先喜甚猶

賦詩四首中有云病逢勛倍藥快聚夜頻觴主聖

羞同賤時危忍獨藏蓋絕筆也臨歿口占四截半

世殘書裏關門坐小樓虞卿是何物不了著書愁

一負米羞親養披裘負聖朝百年蕉鹿夢今日得

逍遙一窮通真偶爾來去亦翛然我愛裴中令虛

空不碍禪一淮海羈魂立飄搖望故鄉月明騎鶴

返不是顧遼陽一從容危坐而卒學使侯公峒曾

檄祀學宮表曰真儒友人徐世溥私謚爲文懿先生謂清如伯夷無其隘和如柳下無其不恭言雖過愛蓋所以志推崇之意云

李汝燦

字用章南昌人晚登崇禎進士官刑垣數慷慨言事黃漳浦道周嘗對懷宗云赤心純行臣不如汝燦後以直諫下獄旣歸絕跡城市有詩云報國只餘方寸赤貽家猶剩片氈青越數年絕粒卒

朱統鐸

字時卿明末宗室僻居城東好讀書賦詩抑揚吟
哦之聲琅琅於古溪新柳敗垣層蘚間編著古史
記四十卷推廣余寅同姓名錄爲十六卷又有六
書微詩解願錄牡丹志寧獻事實皆博雅可觀云

費元祿

字無學鉛山人文憲公會孫行也父堯年進士罔
卿無學少穎異絕豔驚才年未三十謨著近百卷
陳仲醇負一世名每讀之歎爲不及生平抱情癡
之目嘗客西湖樊令君款留盤桓湖山不忍遽別

一夕忽告歸令君曰花事未殘且宜少住無學曰
政不欲見其殘耳其深于情如此元配楊夫人年
二十七卒繼娶徐夫人先後有淑德妾廣陵馬氏
臨安丁氏皆具柔情惠性婉孌相得每茶翻墨污
證書史以爲歡燭盡酒闌抱衾裯而共息家故饒
於貲太僕遺有甲秀園無學更築涉園都極花木
竹石之勝園東構妝樓爲三婦凝妝之所每歲艷
陽園花齊發纈紅剪綵爛熳成林無學必率三婦
徙倚花前呼曰長春屏又嘗携遊桃花下自序云

采漬綠醅輔予顏以韶令取和白雪洗兒面以妍
華聞者以爲天台勝槩不過如此嘗有閨中紀事
詩三十絕叙房閨之娛述唱隨之樂情文相生最
爲雋絕其詩云上元花外月如水麗服新裁衆裏
矜着出中庭薰麝好喚人湖上看迎燈一邊巡鶚
鵲各含情細矚雙鬟淺淺傾相約今宵眠放早朝
來好聽賣花聲二簾外雞鳴曙色荒松梢殘月掛
西方相呼趲早觀蓮去競起燈前拂鏡妝三五月
南方茉莉時白紗單縠闌來宜欲驕合德香生體

競置床頭不令知

四

試較殘棋繡幙前低聲語笑

賭犀錢不知爭道楸枰畔墮馬誰家落翠鈿

五

紅

羅拭手破橙香宛轉卽邊佐酒嘗杯到齊誇三婦

艷不知翻污鬱金裳

六

銀漢疎星欲數遲流螢低

度海棠枝輕羅小扇調鸚鵡莫說人間有別離

七

焚香西角拜姮娥更待黃姑晚渡河子夜針樓齊

乞巧天明分看較誰多

八

灤灤白露濕窓紗姊妹

冰盤薦蜜瓜玉指如霜調沆瀣嫌人污殺鳳仙花

九

鸞釵欲卸鏡屏開報道卽歸復戴回相戒不眠

喧語笑當房今夜是河魁十分持葉子競相猜擲

出連輪四五回妬極翻身思引避移燈壁上看觥

梅十鵲鱸沉水蕤雙烟每夜藏鈎戲不眠忽憶落

梅除夕近分燈爭貼玉花鈿十蘭缸燭滿較書遲

刺繡分光並坐隨點檢瑤函微識字近來教得誦

宮詞三傲霜紅紫間妖嬈高列銀燈照寂寥侍女

不知陽九月爭傳花外看元宵十桃花歷亂滿湖

飛素面船頭盡改緋恐混紅妝顏色好一時齊換

綠羅衣五閨中裝束慣爭妍未許何人占獨先携

得玉工釵製巧繞床爭索買書錢

六十日高牆杏睡

醒餘隔宿熏香尚未除佩得宜男嬌似病殘妝池

上數紅魚

七烹茶掃雪下階除積作銀燈巧製殊

競置當風消不得留君一夜檢藏書

八吳姬捧藥

越姬嘗不似清齋老太常撫臂燈前俱似玉知誰

細語問溫涼

九登高湖上小山斜三婦行隨戴菊

花別有弓鞋艱進步舟中自煮建溪茶

十二滿天風

雪夜初歸銀鑠崇花繞面飛笑下東階捧嬌手爲

郎拂拭紫綃衣

廿一停披繡譜畫鴛鴦每到昏時出

候卽玉手預烹新茗待慇懃捧上讀書床

廿二笑比

春花貌未降徐家少婦繡當窓蚤知嫁得多情壻

悔乞藍田玉一雙

廿三

何處吹簫玉宇澄青蛾半蹙

對華燈離家歲久猶能憶舊事依依說廣陵

廿四髻

挽孤山一段雲紅顏浪倚壻能文兒時記得西湖

賦宛轉燈前誦向君

廿五

早憶茲辰姊妹生麻姑織

女賀雙成捧來鳳嘴金鞋小細細花前祝壽聲

廿六

欲別先銷幾日魂尊前一倍惜寒溫深閨未解閒

愁苦直到離心見淚痕

廿七

圍東撲蝶暫來遊不上

亭臺不上舟獨向花叢貪鬪草輸贏賭戴玉搔頭
廿八悲歡往事勿重陳恐學徬徨擁髻人但駐金光
顏色好年年行樂似青春廿九親繡如來冰雪容經
聲梵唄繞爐峯願求甘露長生後更向蓮花淨土

逢

十三

無學中年櫻疾死去還魂遂斷人道儀舊侶以
自憎踐曲房而如客病廢無聊之况悉于翰墨發
之著半鰥賦又著轉情集悲花怨月感往懷來藉
以銷骯髒之情轉紛華之想文采雋逸有屈宋之

遺焉三婦皆美而賢無學雖遊心禪悅伉儷依然
夜寒月好秉燭過存春和景明持杯叙舊非同牛
女會只清秋猶勝姮娥眠常獨夜意以心中脩戒
虛空卽是吾鄉天下有情輪轉尚成眷屬嘗自評
云不減孟光偕隱何殊弄玉俱仙蓋實錄也

無學名其塋妻之所曰埋玉亭嘗有悼亡四絕云
弄玉乘雲鳳不歸登樓猶是惜人非裁紅點翠無
消息留得鴛鴦嫁日衣一生來秀質映蘭芳井畔
乘春看海棠黃蝶不知人去後銜花兩兩繞銀床

一夢到床邊訴舊詞春風喚醒倍新悲爲言寒食
梨花候青草原頭酹一卮一閉閣沉沉織素聲裁
衣歲歲繫深情凄然今夜看牛女一半銀河月不
明

遊龜峯二絕云風塵遠傲骨山水冷清襟策杖從
茲去白雲春草深一欲借名山卧雲峯不售錢峯
頭三十二一一住經年

吳浚曰無學山居嘗賦鼉湖雜詩七十首情景
俱堪入畫而中多警句如茶經邀月校詩句覓蕉

題

句

月送僧投寺

帆隨客到家

句

院閉逢僧出船

空載鶴遊

句

花村聞吠犬

月下吏催租

句

漁家沽

綠酒妓館醉紅妝

句

朱樓千樹月

畫舫一溪雲

句

分火催朝饑扶犁課早耕

句

商量幾蕊吐扶植數

枝斜

句

蘭亭人似玉

金谷妓如雲

句

孤村寒食哭

幾樹亂鳥啼

句

葉落烹茶竈燈明送酒船

句

秋風

桐井葉夜雨石鐺茶

句

小雨追樵客疎烟點釣人

逢僧殘樹裏問渡落花中

句

無風雲散錦不雨

葉飛花

句

村舂沙瀨碓人語橘園燈

句

閣窈雲留

客山寒月伴僧

句

霜明孤嶼釣雪照一牀書

句應

門雙鶴瘦然塔一燈孤

句

乘舟招隱士得句報高

僧

句

人懷新歲恨梅發故年枝

句

塲父收烏柏村

姑擷白棉

句

清新綺麗雜之唐音不辨也

同鄉鄭子器相國無學之故人也萬曆戊午無學

之金陵秋試行至常山聞子器出典試事慨然曰

吾不能爲李方叔矣遂命駕歸其見幾明決如此

後以病廢謝絕世紛獨處甲秀園不雕不琢神情

爽朗西蜀衛中丞顧直指嘗造廬訪之各顏其居

衛曰清真遠操顧曰名賢之廬句容筮繼良令鉛
以牘上兩臺請薦于朝畧云絕口不談世事許身
肯下古人窮則枯槁林泉達則激昂天壤造膝接
談莫窺其際迎機應變忽若有神昔陳蕃入境首
辟慈明孔伋對君極言苟變誠得霜簡綴名褐衣
名見寄以清脩之望委之籌策之權必能垂光虹
蜺紹曾史之逸響振翼雲漢與管樂而同流識者
謂差得無學之高致焉時天啓之季流寇已訖無
學究心當世之務故筮以爲言旣不果用天下惜

之

鄭相國嘗答無學書云六結最重莫甚男根今去
一結絕此一源用師百倍既畢生子之事便可閉
關于足下已爲蘆中空相又云本朝楊邃菴袁元
峯二相俱天閹亦足與學卿作大耳兒紫髯翁鼎
而爲三矣因以一偈遺之偈云男根本交媾生時
不覺有中有萬鬼居如彼猛火聚媯欲熾然興今
忽成烏有請問根有無何缺亦何完譬如鬚後生
未生原不闕根先今忽無旣無何滅完觸根毒敢

甚失一五可盡男根腐盡時腐處同木石根腐不
腐識學卿識如故人身亦如是識不隨身往不往
者苟存剪爪斷髮等媼性自然歇賀君得旋性

丘兆麟

九日登青雲峯云載酒望清秋高臺足並遊亂鴉
投遠樹孤鶴下平洲菊色寒仍艷蘭香冷更幽一
江縈若帶三市小如甌靈谷元相對瑤湖碧欲收
看花頻把盞作賦漫登樓杜曲人猶健龍山宴未
休不知誰帽落朋輩盡風流

洞石云莫與峭壁判西東一竅其間有路通入去
身如離世界窺來天乃在山中興狂酒政無賓主
景幻行蹤有異同從此莫教猿鶴怨桃花流水已
春風

字毛伯臨川人萬曆進士以詩文名世官山西巡
撫著有玉書庭集陳大士先生序之

熊明遇

號壇石進賢人萬曆進士官兵部尚書會城西北
十里有楊子洲爲水口第一關先是張新建構江

天閣其上崇禎丙子明遇又言于都御史解公學
龍卽閣傍築浮圖鎮之題曰龍華寶塔明遇撰記
并有詩云龍沙盤曲北城阿復有長洲夾大河天
送水雲歸碧島地廻山岳列青螺金蓮座上人王
塔銀漢槎邊織女梭莫是龍門撐砥柱誕敷文教
古來多又高城一片古洪州貢水滔滔向北流漁
笛乍吹紅樹遠鴈聲遙度白雲秋人烟萬井聞雞
犬劍氣三更射斗牛爲報百川朝此地請看江際
起岑樓次年丁丑吉水劉同升遂魁天下或以爲

水口文峯之應然亦事之適然未可深信也

公又有純陽觀廻文云丘林傍近巷門東院砌幽
深草樹叢流水菊香丹井淺古壇松老鶴巢空優
游獨往携長劍笑傲隨時御冷風浮白大呼樓上
酒秋槎一駕海天中

符尚仁

西山雙嶺崇勝院爲晉刺史胡尚捨宅延僧曇顯
居者水經註稱顯建精舍山南卽此劉宋謝靈運
有繡經臺然廢久矣邑人符尚仁詩云欲問前朝

寺茫然徧野棠鼓鐘聲寂寂松栢晚蒼蒼山隳寒
烟外碑眠古道傍徘徊一瞻眺塵世轉堪傷尚仁
不知何許人縣志選舉表載入明徵辟內豈卽崇
禎十三年事耶寺觀下載此一詩再山川羅漢嶺
下載尚仁登嶺避兵一首云塵世那堪久亂離携
家春暮陟崔巍雲連海岱千山雨風撼雲松萬壑
雷布穀鳴時農事緩杜鵑啼處客心摧干戈滿地
蒼生苦誰是當年衛霍才味此語氣確乎其爲明
季人也二詩格不甚高但以其同里老生困頓文

場又遭末造逢此百罹不欲其湮沒而不傳也故記之

洪維幹

字楨南彭澤人萬曆鄉舉官桐梓令奢賊破城具衣冠北拜賦忠字詩九首有呼籲知難通帝座魂飛萬里只孤忠之句不屈而死事聞贈噩卿

鄧文明

新建人萬曆鄉舉工書法詩賦古文並臻奇妙官連州守以清節著在連獲佳石徙倚其下屢日失

謁直指罷歸乃并日而食僅一夾布衣苦寒輒與
夫人更衣之檐冰垂垂夫人不能下榻公亦竟不
出戶也著有雅餘集咸賓錄時以比楊用脩云

王士昌

新建人萬曆進士官福建巡撫有江天閣詩云出
郭招邀散客愁東山得共謝公遊窓間五嶺排雲
峙杯底雙江抱月流地隔龍沙圍作障天空蜃氣
結爲樓乘閒每挾飛仙侶清淺何須問十洲閣爲
張文端建嘗登眺其上此疑亦陪文端遊作也

雷 暎

豐城人巡撫賀子也登萬曆鄉舉嘗集龍光寺分
賦云南州秋色滿兼葭嘯侶携尊共泛槎遠樹帶
蒼迷鶴嶺澄江抱練映龍沙談成絕倒同浮白悟
入真空盡雨花歸路不須愁秉燭斜陽猶自絢晴
霞

喻應夔

字宣仲新建人憲副均子也由明經官興山知縣
工詩與鉛山費無學善有集選入詩慰

宣仲嘗秋夜對客置一銀盤露中稍施秘術頃刻
致露水數斛烹茶釀酒張相國以百金購其方固
不與無學曰得非方諸耶宣仲笑而不答

王演疇

字孟箕彭澤人萬曆進士官桂林太守憐雅好學
書法尤工摹其筆者不減二王所著詩有醉陶和
陶諸集海內言風雅者首屈一指云

龍士通

字允升萬載人嘉靖鄉貢知長汀縣日供惟腐菜

家僕三人見其清苦逸去者二自署一聯云一力
自隨官舍足獨衾無媿夢魂清

方應漸

字養冲上饒人萬曆鄉貢知隰濮二州有清節晚
謝政歸嘗作詩云三月無鹽常食澹一家露肘屢
啼寒庭前一望清如洗剩有南窓竹數竿葢紀實
也

宋九儀

字夔卿萬載人嘉隆間由選貢官建寧令捐俸積

穀民呼宋公倉邑建生祠九儀取木主歸曰吾不
務虛名也事親孝力請終養林居三十餘年肆意
吟諷嘗和淵明六詠以見志有淨安寺詩云淨域
臨江滸僧堂瞰石門鳥雲隨去住鐘鼓自朝昏天
棘閒蔬圃空階剩路痕猶懷伍閣草燈火夜中渾

梁維新

號鍾石高安人崇禎庚午舉于鄉授遂寧令不就
隱居銅湖易簣前一日賦詩云底事牽愁到鬢邊
女媧難補杞人天孔書不是終南徑生死關頭已

了然

劉同升

入百花溪望玉笥山云朝看入雲峯暮看上玉笥
朝暮白雲裡無復人間事行行若無蹊時與飛鳥
值沿澗欲尋源偶爾山樵至指點削壁間仙臺藏
勝地懸猿上攀蘿履屐聊可置山半天雞鳴鐘聲
聞午寺不知下界遙寂歷聽寒吹嶮絕得幽敞劃
然茲境異亂峯如浪涌撲面起蒼翠山茶盡日開
紅果林間墜時時聞勝賞往往逢奇致相招拾瓊

草煨芋供晚食與子謝塵網春服裁薜荔明朝憶
舊溪已覺跡如寄莫令遊興慳但羨幽人遂

品泉亭詩自記云金牛寺石岸之下有清泉焉余
與季房良晨月夕酌而賦之季房謂余宜亭顏曰
品泉嗟乎少壯幾何時邈矣山河真不勝酒壚之
感季房自余第後如身得之決計終隱其詩其書
其人以並此泉余言無媿南州湖亭以孺子名廬
陵泉亭以季房名皆郡志所不可少者也遂爲賦
曰仕宦旣懶遂南轅三夏一室不出門炎天草木

皆焦卷摩挲兩几忘朝昏
七里清泉日新汲恒恐
多汲竭其原處暑已過至城市
金牛寺下宿雲屯
况逢三五明月滿絺衣夜坐風塵浣
雨後天玉秀
可餐旋汲涼泉食一盃塵談竟夕風露清石瀨滑
滑歸興緩啜茗忽憶少年時秉燭爲歡愁復晚當
年艤舟聽泉聲隱几清夜嘗泠泠不覺百愁爲之
斷猶如水觀忘世情客來笑我烟霞癖七盃苦厄
太瘦生素心晨夕兩不厭禪榻一燈話天明十年
流寓金陵久惆悵此泉非我有豈是清福天所惜

安得勝地長厮守何況薜荔易簪纓無復幽耽及
五柳憶余優游金馬門一麾五年空二酉初春且
欲料裝遊流騎縱橫心百憂長拋泉石何所戀時
艱敢復爲身謀解嚴已屬班師日還山因之營菟
裘人生出處信非偶重來又是舊金牛吾鄉仕宦
殊不少五嶽難期世累了南州孺子一空亭歲歲
年年傲花鳥金牛之勝以泉名我酌此泉慙小草
品泉分付與幽人其意可爲知者道按先生後殉
難於鄉此詩作于數年之前慕泉石而如飴念亂

離而不忍隱然有憂時致身之想蓋其忠義之氣
得于天者早定也

字孝則吉水人崇禎丁丑狀元

李 奇

字平叔新建人尚書遷會孫也生時父夢長吉降
其家既長博學工文爲諸生名噪海內逾壯而歿
士林惜之太倉張采有南州四友傳奇其一云

夕佳樓晚眺詩曰平楚蒼蒼歸鴈驚。葳蕤芳草傍
寒生。天隨野色低春岸。雨帶江帆隱暮城。石壁遙。

將孤影落遠山微透數峯明卻開蘿逕遲霜月渺
望烟波祇一泓

韓 范

字一范臨川人崇禎鄉舉高節不仕隱英巨山麓
有咏石橋竹云石橋凌野澗竹影亂飛湍葉密青
千箇枝橫綠萬竿拂襟消溽暑漱玉洒餘寒無眼
瀟湘意猶遲夜雨看

湯開先

字季雲臨川季子也喜爲詩少慕徐文長後嗜鍾

譚嘗因作十燈題舉友夏照殘身益幻看定妄難
生之句以爲妙絕季雲溺于詩前後五百餘首自
謂五言尤工喪亂後稿皆散失所存壬午草四十
五首南昌李太虛藏笥中以授陳伯璣允衡更刪一
首爲潭庵集編入詩慰傅平叔序而傳之稱其哀
國篇雄深慷慨似法少陵惜亡其稿而又以乙酉
後流離隱約變徵之聲皆不復可得爲惜云季雲
有齋曰卿庖一株池上柳爲若士先生手植月夕
風朝輒與名流婆娑其下工古文才思敏瞻姿致

秀潤有憎蟬春霖朱魚三賦傳誦于時

百花塔詩云塔在百花中花紅塔亦紅欄杆鶯報
午鈴鐸鳥呼風。燄合將燒佛飛香欲滿空。至今洲
上草金碧映芳叢。

高生樊姬以誕月病亡作八絕悼之其一云念君
出腹子呱呱。添綴人心目。暝無寄語新人須看取。
妾曾看取舊人孤。五云歡情如雪易消沉。別恨將
隨春草深。到處春風君不入。空床夜夜抱冬心。七
云花憶去年紅的的。雨看今日冷霏霏。桃花不是

君家婦結子。來時自要飛。

是日湖新霽。如人醉乍醒。句動情波淺綠。入眼柳

遲青。句欣傳穀是旦。未改草爲堂。句烟花無限色。

菜麥一城饑。句莫將鄉里路。看作客程過。句

楊廷麟

字伯祥。清江人。崇禎進士。與倪鴻寶。黃石齋。並以

文章名天下。稱爲三翰林。懷宗嘗大書唐人句。當

軒半落。天。河。水。遶。徑。全。低。明。月。枝。十四字。賜焉。箇

變枯槁。行吟形神俱瘁。每與故人尺一自署。兼山

蓋以兼文謝二公自況也。後同萬南昌元吉郭司
馬維經萬給諫發祥符進士邇中弟廷鴻俱殉義。
于章貢嘗遊新建西山有香城夜坐四律云。丹壑
何年閉石關。依然猿鶴老人間。遊雲不了藤蘿靜。
野客無心虎豹閒。今日尋花聞舊約。幾時流水信
春還。卧游不忍空歸去。明月在天雪在山。芒屨竹
筥識蒼苔。珍重支公面壁來。龍幹荒茫逢草怒。梅
花隱約待君開。生依薇蕨山無夢。老歷風霜鴈有
才。可信愚泉終似我。不須寒雨自徘徊。十年江上

半漁臣爲爾流連暫卜隣。已向洪崖封禹穴。空勞
洞口問秦人。冰城久信窮魚隱。風影何關竹葉身。
煨栗無言緣底事。莫將熊虎歎沉淪。山外人家竹
滿陂。尋常闢石鳥何知。關河極目黃虞後。風雨傷
心江漢時。火冷中田春寂寂。霧迷枯井草離離。誰
移處士當年宅。乞作樵林第一枝。

吳甘來

字和受新昌人。崇禎進士。爲兵科給事中。甲申逆
闖犯闕。義不屈。具冠帶從容自經。先一日賦絕命

詞云君臣義命乾坤晚。狐鼠干戈風雨秋。

距會城六十里沿流而下爲樵舍驛一山屹立曰卓山上有萬竹亭公舟過憇焉題詩云一色林青澹白描。扁舟遠浦路迢迢。水光浩渺連天碧。山氣嶙峋帶雨瀟。疎柳鎖烟秋益老。山花含翠晚彌嬌。偶然傍此依心素。欲訪仙家學採樵。

涂伯昌

字子期新城人崇禎庚午舉于鄉主考鄭道圭批卷云得子最晚賞子最深是必居深山遇異人讀

異書者後以御史募兵寧都城陷自縊大書壁曰
一生苦志一刻流水讀聖賢書但知守經死不知
達權生也伯昌幼穎敏長歷吳越從武林黃汝亨
遊又讀書郭子章家皆得其指授家酷貧婦陳臘
盡猶衣苧布一室怡然笑謂曰他日富貴毋忘也
俄汝亨來視學伯昌適讀禮試畢邀與相見謝不
往或曰向者求師不遠千里今隔一閤何恣然也
答曰向者千里見師非見督學也卒不往其搥履
峻潔如此刻意爲詩曰涂子一杯水雲間陳繼儒

序之陳允衡遷入詩慰

黃端伯

字元公號海岸新城人崇禎進士司理寧波杭州
二郡有廉聲民稱黃佛子遷南儀曹金陵旣下百
官報名獨高卧不起或勸其託方外以歸不可曰
臨難苟免聖訓也可藉口釋氏偷息人間耶繫
江寧獄司獄者重其名力爲周旋終成其志九月
十三日就刑南門外向日叩首作絕命詞云覲面
絕商量露此金剛王問我安身處刀山是道場脫

衣引頸全無怖畏語家人曰吾眼前有寶光萬丈
行刑者訝其頸堅公曰我心自堅耳刃之無血後
塋于縣北忠孝橋側方以智銘之稱奇男子

熊斯男

字力民新建人少宰文舉其從子也明末歲貢有
王餘草讀之法脉平實微乏姿致卽自序亦云予
之不深宮羽也亦本性資之平鈍卑弱也稍峻激
之卽窘邊幅然半生研水強在昇航偶觸唾壺緣
情而止非所謂諠痴符也乎哉

以上俱
自序語

平居泣玉

之感屢形篇什晚抱西河慘罰一子文枏才而上
殤遂不更育盡然傷焉爲聲餘二帙一哀莪蓼一
痛蒸嘗有泣無聲殆不忍讀其傳誌亡兒有曰昌
黎云人欲久不死而觀居此世者何也余謂人有
所挾以生不一酬以死而流浪此世者抑又何也
又曰有才無命有妻無子有父母無兄弟有生理
無死法更不知皇矣者何一處予父子也嗚呼怨
矣僕哀其窮故亟傳之

潭州云無端風雨蹴飛花。客裏春過不見家。人入。

異鄉迷大澤。馬諳熟路到長沙。奚囊舊事。蘊仍在。
折券何人酒漫賒。日暮江湍疑去住。空懷屈賈向天涯。

梅子嶺云有嶺名梅子。無時入蔗根。鄉心酸不盡。
策馬傍黃昏。此首如食諫果耐人回味
一種清傑之氣集中所少

種海棠四之一云。茆簷睡起弄新晴。蜀國仙姝小。
弟兄聘與梅花堪結子。少陵聞是此君生。如此使
事卻能

化腐
爲新

遣妾代妾答八之一云。籠燈背壁炷爐烟。細啖心。

經獨起眠。夜雨不教含。荳蔻秋風只解妬。嬋娟
聲餘草摘句。云酒杯留口。澤燭影伴啼痕。夕小犢
可能依乳母。雕蟲無奈困癡兒。清祇有新愁添一
線。陽和那到北堂萱。旅中啼鳥向我應。頭白怨鳥
驚時叫血紅。讀書細從苦海翻。瀾筭畢竟餘生何
處休。中金花勝裏人成隊。玉笋班中汝下羣。元

李 良

字雲將。豐城人。萬曆進士。以詩名。茂先過素園理
雲將遺集。悽然有作云。千遍題詩百舉觴。昔時風

雨共閒房。藤陰尚覆。攤書屋樹。影空搖看。竹床憶
數春花。紅在樹。或眠秋簟。碧爲廊。相如狼藉多遺
草。寂寞文園泣武皇。

李元鼎

吉水縣龍濟寺踞東山第一峯。後唐脩禪師把茅
手。闢宋明以來宗風。甚盛。崇禎之季。梵宇傾圯。邑
人李少司馬元鼎倡募修復。延僧住持。作詩云。一
肩交與頭陀去。莫負南唐舊祖庭。

聞鳩云。剩有烟花好。言尋草樹無。鴈歸春事劇。鳩

喚客情孤。海國饒魚婢。山居想木奴。扁舟何日去。
閒眺獨躊躇。

渡口驛。泊和內。箭云牛羊來日。夕燈火出柴門。戍
遠船依寺。更深月到村。危橋新雨斷。高樹老雲吞。
古驛何年廢。猶聞野渡喧。

春歸云載酒。遊會幾出郊。深衙何異掩衡茆。桐孫
引露抽新葉。燕子啣泥補舊巢。客邸烟光容易老。
故園松竹等閒拋。多愁欲遣隨春去。春去愁仍未
肯交。

人日云屋角晴生鳥乍鳴。又逢人日客懷清。登高

夢欲尋廬岳。

古人皆以人日登高

剪勝風傳自楚荆。喜。趁。盤。

辛。還。對。酒。閒。挑。菜。甲。且。炊。羹。良。朋。漸。有。探。春。約。踈。

影斜烟已亂橫。

偶閱中州集。見有春愁曲。情詞奧遠。因走筆和韻。
作秋雨吟云。寒玉叫雲蟬。葉冷潢流澹。蕩愁脩綆。
細雨沈沈吹絡絲。殘荷珠照芙蓉影。寶鴨香生露。
華重曉。記瀟湘夜來夢。閒拈桂枝。挿膽瓶。砧聲亂。
譜桐花。鳳鴈來燕去。各飄颻。不管行人道路長。淡。

燈剔盡刀尺急。碧天如水浸銀塘。

戴九元

字大圓。新昌人。萬曆進士官工部。即有工部稿如
蟬聲。驛路雨。馬首衛河烟。更深雙鬢白。吟斷一燈
青。客好殊難有。官閒豈異無。約客嘗蝦菜。聽人唱
竹枝。同輩已登三品貴。與君將別十年人。對酒圓
林驚雨過。譚兵几席覺風生。莫譚舊事誰知己。試
出新詩獨起予。亦雋句也。子國士字。初士崇禎舉
人。亦知名。

章甫弟二月嫁女聊遣薄助并示以詩爲憐祇一女遣去得無悲竹筍吾家物桃天之子時佳哉咏雪語敬爾結禱詞宦薄無多贈聊當賣犬資

潘朗士携尊北郭湖亭分高字云客以年光行水際湖將春色到亭臯呼鷗與爾爲閒伴繫馬同君是散曹鴈過柳芽黃約畧鐘微渡靜綠周遭小船簫鼓何當歇雲裏初弦月已高

元日云一官闕下已三年郎署浮沉只自憐飽美侏儒徒索米醉騎欵段也朝天別來剩有歸山夢

不去貪無儻舍錢移得梅花寒未吐知他何處占
春偏

送張懋葵脩兵池陽云帝鄉遙帶大江濱開府西
南控制分官舫去來三峽雨牙旗披拂九華雲楓
林踏社聞歌鼓荻港防秋撤戍軍閒向昭明臺上
望一潭烟水日初曛

汪應嬰

字漢章南昌人萬曆鄉舉好爲詩遊草甚富聽泉
云洪崖何處去匹練不停飛滴滴懸青靄絲絲濕

翠微雪消銀漢落雲引玉龍歸漱石徘徊久寒流
上客衣潯陽驛望廬山有懷靖節遠師云琵琶洲
畔客遙望總淒其鄉近長風送廬高落照欹酒家
尋栗里詩社問蓮池難得停舟楫鐘聲杳靄時

康范生

鵠湖山云雨過林扉宿暑收紫簫吹月上峯頭露
翻鶴夢梧枝冷雲護龍居草室幽地僻百年渾太
古松深六月到新秋神仙此日身閒是漫指胡黃
作勝遊

字小范安福人崇禎己卯舉于鄉有文名

馬猶龍

字季房廬陵人啓禎名士工詩有洛如館集宣城

施愚山

潤章

捐俸鋟板毘陵楊太史大鯤詩云廬陵

詩人馬季房花片遊絲落腕長又云君看洛館存

遺草待得湖西使者傳愚山時爲湖西憲副故也

題九仙臺云高臺入層霄凝露非一狀嵌空石鏡

明金碧互滉漾窮幽得絕境劃開天宇曠一峯碧

雲深千崖如湧浪氛霧襍吞吐參差鬱相向蕭條

落日外河流明遠嶂祠殿日荒涼峻嶒時策杖仙人去不返明月空臺上

季房嘗在蕭伯玉家值天欲釀雪圍爐聽松風因咏姚少師雲封蘿屋常疑雨泉響松巖半是風之句歎其警策又云元人詩大有妙境如滕王閣秋水魚龍非故物春風蛺蝶是何王又當年傑閣棲龍子此日空梁落燕泥今人千回百轉總不出子安一記耳

秋水聯爲虞邵庵詩通志藝文作歲久魚龍春深蛺蝶誤

蕭士瑋

字伯玉泰和人萬曆進士官考功郎著有春浮園集

伯玉蕭齋日紀云余作詩最少稿復散在諸帙中茲稍葺而錄之馬季房語余近人之詩蕪音最多切響甚少何也余謂律細格老與年俱進皮毛脫畧乃見真實邊人畜良馬初不令其跳躑每夜必繫其銜勒不容親水草旬餘浮臙盡消筋力怒張日馳數百里不倦饑渴不能困作詩而多蕪音累氣皆由浮臙未盡耳

伯玉與陳大士論文貴動或舉社中一重望先達
當之笑曰此如數十里黃茆風來一捲足可當動
乎大士亦笑

文德翼

字用昭德化人崇禎進士官嘉興司李以憂歸屢
徵不出徜徉于五老二林之間者三十餘年工詩
文有雅似堂求是堂集

陶白祠在九江郡城甘棠湖上萬曆間葛副使寅
亮建後燬于兵康熙十一年江殷道守郡卽舊址

重構焉東軒祠陶自二公中奉準提佛額曰詠真
一笏右闢自怡軒濬池植柳菰畝栽蓮徵詩以紀
其事用昭爲賦歌行云城外晴湖水一曲春波漾
漾鳴頭綠長堤岑寂少人行兩兩三三鳬鷺浴夕
陽緩步欲誰歸陶白祠邊柳依依彭澤辭來松尚
在忠州命下丹已飛詠真一笏誰所憐太守頻過
抵足眠世上不知五馬貴湖中但覺二公賢一樽
卻向匡山笑影涵千丈何孤峭賓朋勿散且徘徊
藉草投竿漫學釣

舒忠讜

字魯直進賢人文節公孫也崇禎庚午鄉舉第二
有詩名選入詩慰其寫韻軒歌行云蓬萊婉矜有
真訣傳女千年男不屑虎齒碧字密香傳上元夫
人夜深說吳家女愛六銖衣細抄金鈎悟天機瓊
思瑤想秘不得猶向人家賣字歸纖腰素肘豈凡
黛堪鬪少年姑狡獪騎虎雲飄五暈裙月姊星妃
傳十賚蔣侯三妹夢清溪未有新詞寫綠緋區區
韋翁紅粧枕何足爲郎重品題

陳弘緒

宰士業新建人尚書清襄公道亨子也崇禎末辟
刺晉州以抗直罷歸少好學有聲場屋四方名流
皆下之家故富書日夕披覽見聞益博爲古文師
廬陵南豐詩類昌黎甲申後屏居江上輯宋遺民
錄賦江城懷古諸什南州言耆舊者首推焉嘗有
石莊集恒山存稿寒崖集鴻桷編晤齋詩荷鋤雜
志寒夜錄讀書跋數十種

遊洪崖詩云玉龍蜿蜒劈蒼石漱雨搖風幾千尺

清冷盪滌自古塵
轟飛忽見崩崖折
搗藥臼存仙已去
雪精藤笠知何處
幽草幽叢閱代深
白雲落
落堆寒絮
峭壁古篆點畫疑一字
兩字捫且推讀之
不了踟躕立刮削
老苔留新詩
赤日墮山暝
烟重吼泉勢撼孤亭
動筇杖遙指翠微燈
虫聲滿徑催清夢

東湖云孺子祠前水
斜過吏隱亭
昔垂高士釣
今照酒人星
燈滿盂蘭社
魚依橋甕萍
幾番看競渡
虹影掛香輶

士業嘗輯海內知交詩權量刪定合五十餘人各
曰神聽集與萬茂先比閭商權褒賞抨擊不少恕
余小星茗園又與其見山樓咫尺每剪燭閒步輒
取而高下甲乙之喪亂以來篇什擲散士業痛念
不置謂諸君子生平拓落或賴是選長留天壤騰
光恠于異代而又不幸如是則此拓落不偶之中
而重傷夫不偶也蓋所感良不淺云

郡治西南大魚巷宋時酒庫紹興間有一人幅巾
野服橫壁而卧衆旣聚觀徐起以袖障面趨出遂

失所在或以爲希夔先生也因肖像建樓祀之額
曰睡仙樓士業詩云太乙光陰別有天鼯鼯鬧市
卧神仙華胥秘譜人誰續酒庫遺基世不傳避地
止宜千覺夢容身難買半間廬浪萍踪跡芻蕘笑
謾說長空任鳥旋

士業有弟士言以任子官刑部主事性嗜酒一日
招同僚飲灑掃治具至夕不來走訊則已赴某給
諫席矣士言馳書速之曰某雖力不同科望公亦
猶行古之道聞者擊節服其善謔比于劉四罵人

也然卒以是忤某中考功法罷歸後病酒死士業
志其墓稱其晚好詩著盱江雜咏有竹密鶯啼細
樓空燕語私之句爲時所傳誦

劉季鑛

字安世殿撰同升第四子也壬午貢成均詩文千
言立就性孝友殿撰卒于虔水漿不入口哭踊幾
絕後間關閩粵而死世哀其穷著有皆園集

陶應龍

字相如新建人明季老諸生也喜爲詩瀟灑逸宕

論者謂謝元暉澄江靜練孟襄陽微雲河漢彷彿
近之晚客鍾陵傅相國冠所南歸病劇中途卒旅
櫬流離悲哉嘗以生平躋蹬場屋和新嘉驛壁間
女子詩三十絕自傷淪落讀者多爲泣下云

湯來賀

惕菴先生理學大儒生平提躬行二字教人發明
程朱遺旨詞章之學非其所好故內省齋集中無
詩其文字非關世教民彝者亦不輕作也然當先
生講學鹿洞余以丁卯初夏薄遊晉謁深夜請益

經學經術之外偶及于詩先生輒爲哀別晉魏以
來凡六朝三唐兩宋及元明諸詩人源流法度較
若列簪因授未刻詩一帙皆昔年念亂救荒憂時
憫俗之作固知先生素精于詩特不欲以詩見耳
昌黎有言餘事作詩人信矣臨別先生贈詩一章
云前日來鹿洞今日歸南浦之子抱宏才雕龍與
繡虎尋勝遍風泉筆歌而墨舞繁花夾道旁何如
松栢古子歸應勉旃竹齋重接武時先生年八十
有一此詩手書簞頭楷法遒勁想見司馬溫公脩

資治通鑑藁凡若干萬言無一草筆氣象先正臨
文端慤如是昔歐陽公得澄心堂紙屬石曼卿書
籌筆驛詩寶愛之珍藏于家號爲三絕况先生詩
要不多作重以真蹟非余家之所宜世寶者哉先
是先生司李邗江南昌萬太僕元吉過之心折先
生之爲人執手贈詩有今日再見劉忠宣鬚眉如
戟氣如虹之句後先生分憲粵東過大庾嶺題壁
云誓告山靈去不持一硯回萬一違素志歸時此
遇災此與趙清獻詩馬尋舊路如歸去龜放長淮

不再來之意何異其廉德如此皆明季事也先生

南豐人崇禎進士子永誠字若人永寬字碩人皆

詩與余善

趙清獻以清德服一世平生蓄雷氏琴與鶴與白龜各一所向與俱始帥

成都卑馬就道以琴鶴龜自隨蜀人安其政治元豐間罷政守越自越再移蜀時將老矣過泗州渡淮前已放鶴至是復投龜淮中既入見帝問聞卿前已匹馬入蜀所携獨琴鶴廉者固如是乎公頓首謝故其詩云云自紀實也見石林詩話